

師云、後五百歲遠沾妙道等云云。指廣宣流布之時歟。傳教大師云、正像稍過已末法太有近等云云。願樂末法始之言也。以時代論、果報者、超過龍樹天親、勝天台傳教也。問云、後五百歲汝不限一人。何殊令喜悅之乎。答云、法華經第四云、如來現在、猶多怨嫉、況滅度後文。天台大師云、何況未來、理在難化也文。妙樂大師云、理在難化者明、此理者意在令知衆生難化文。智度法師云、如俗言、良藥苦口此經廢五乘之異執、立一極之玄宗。故斥凡呵聖、排大破小。乃至如此之徒、悉爲留難等云云。傳教大師云、語代則像終末始、尋地唐東羯西、原人則五濁之生鬪諍之時。經云、猶多怨嫉、況滅度後。此言良有以也等云云。此傳教大師筆跡、似當其時、意指當時也。正像稍過已末法、太有近釋有心哉。經云、惡魔魔民諸天龍夜叉鳩槃荼等、得其便也云云。所言等者、此經又云、若夜叉若羅刹若餓鬼若富單那若吉遮若毗陀羅若健駄若烏摩勒伽若阿跋摩羅若夜叉吉遮若人吉遮等云云。如此文者、先生持得四味三教、乃至外道人天等法、今生受惡魔諸天諸人等身者、見聞圓實行者、可至留難由說也。疑云、正像二時相對、末法一時與機共正像殊勝也。何捨其時機、偏指當時乎。答云、佛意難測、予未得之、試案一義、以小乘經勘之、正法千年教行證三具備之。像法千年有

①〔願〕一圖 ②龍樹天親＝天台傳教雲泥圖 ③天台傳教＝龍樹天親圖 ④〔文〕一圖 ⑤〔此〕一圖
 ⑥味＝禪圖